

# INUIT ATAQATIGIIT INATSISARTUNI



Nuuk 25. juni 2024

Inatsisartut suleriaasianni § 37 imm. 1 naapertorlugu Naalakkersuisunut imaattunik apeqquteqarpunga:

1. **Nunatsinni alopeciamik nappaateqartunut ukiumut tapiissuteqartoqarsinnaanera Naalakkersuisut uppersarsinnaanerpaat?**
2. **Aappiuppat ukiumut qanoq annertutigisumik tapiissuteqartoqarsinnaava aamma inatsit suna tunngavigalugu tapiissuteqartoqartarpa?**
  - a) **Aamma sumut qinnuteqartoqarsinnaava?**
3. **Ukiumut qanoq amerlatigisut tapiiffigineqaqqullutik qinnuteqartarnersut Naalakkersuisuninngaaniit kisitsisaatigineqarnerpa?**
4. **Naalakkersuisut tassunga tunngasumik allamik oqaasissaqarnerpat?**

(Inatsisartuni ilaasortaq Peter Olsen, Inuit Ataqatigiit)

## **Tunngavilersuut:**

Ukiuni nutaanerusuni nappaammik alopeciamik – tassa nujaarutivittarnermik eqqorneqarsimasut takussaagaluttuinnarput. Inuit taamatut eqqorneqarsimasut ilaannit oqaluttuarineqarpoq ukiumut 2500kr-nik tapiissuteqartoqarsinnaasoq.

Assersuutigiinnarlugu atuarneqarsinnaavoq 25.maj 2010 Sermitsiaq.ag-mi 20-nik ukiullip aamma 10.april 2024 Sermitsiaq.ag-mi massakut 35-nik ukiullip 19-nik ukioqarluni alopeciamik nappaammik eqqorneqarsimasup eqqartormassuk ukiumut 2500kr-nik tapiissuteqartoqarsinnaanera.

Paaserusuppara ukiuni 15-nngulersuni tapiissutigineqartartup annertussusaa allannorsimanersoq imaluunniit 2010-miilli suli ukiumut 2500kr-niinnaanersoq.

Taamatut tunngavilersuuteqarlunga apeqquteqaatiga nassiuppara.

Kissaatigaaralu apeqqutima ullut qulit iluanni akineqassasoq.